



Broj: 04-40-1-6/26
Sarajevo, 07.01.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 06.01.2026. do 08:30 sati 07.01.2026. godine**

Ledena kiša i sniježne padavine koje su padale tokom noći, osim problema u odvijanju saobraćaja na području Kantona, nisu pruzrokovale druge veće probleme.

Nivoi vodostaja svih vodotoka na području Kantona Sarajevo su u kontinuiranom opadanju.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 3 manje intervencije i to: jedna intervencija na gašenju manjeg požara u stambenom objektu, jedna intervencija po dojavi dima u stambenom objektu i jedno obezbjeđenje pretakanja goriva na Međunarodnom aerodromu Sarajevo.

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja dana 06.01.2026.god izvršen je obilazak i osmatranje terena na lokalitetima Curine Njive, Knjeginjac i Bistrički potok. Cilj obilaska bila je procjena trenutnog stanja terena te indentifikacija potencijalnih rizika.

Vizualnim pregledom stanja na terenu na gore navedenim lokacijama sem nakrivljenih stabala i ponegdje porušenih, ne može se ocijeniti ni sagledati stanje terena radi većeg snježnog pokrivača.

Lokalitet Knjeginjac - isto stanje. Radi velike količine snijega koja je pala na ovaj prostor nismo u mogućnosti dati opširnije podatke vezano za Knjeginjac. Kada budu prilike dozvolile bit ćete obavješteni kad se steknu uslovi na terenu.

Prilikom obilaska Bistričkog potoka zabilježena je velika količina snijega. Na dionici od mosta na Boguševcu do Latinske ćuprije protok kroz korito odvija se nesmetano. Uzvodno od mosta i dalje su prisutna oborena stabla i urušene stijene u koritu.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

KJKP Rad: Zimska služba je angažovana na čišćenju saobraćajnica I i II prioriteta na području četiri gradskve općine za koje je ovo preduzeće zaduženo. Trenutno su očišćene saobraćajnice I i dijelom II prioriteta. Na terenu je trenutno angažovana sva raspoloživa mehanizacija. Kada se očiste saobraćajnice I i II prioriteta, pristupit će se na čišćenju saobraćajnica III i IV prioriteta.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -5°C, vlažnost zraka 94%, barometarski pritisak 934,0 hPa.

BIHAMK: Saobraćaj se na području Kantonu Sarajevo, zbog sniježnih padavina, odvija otežano i usporeno, vozi se po mokrom i klizavom kolovozu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju otežano uslijed sniježnih padavina. Trenutno se tramvajski saobraćaj odvija samo na relaciji Ilidža - Željeznička stanica.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a